

Carsten Niebuhrs Gade 43
1577 København V
Telefon +45 7221 8800
info@trafikstyrelsen.dk
www.trafikstyrelsen.dk

Ulloq: 03-09-2026
Suliap normua: 2026-315623
Takussutissiap normua: 4660879
Suliamik suliarinnittoq: NICFR

Tusarniaavigisartakkanut

BL 11-40-mut missingiut, saqqummiussat sisamaat aamma BL 11-41-mut missingiut, saqqummiussat pingajuat pillugit tusarniaaneq

Maannangaaq missingiutit tulluuttut tamanut tusarniutigalugit Trafikstyrelsip nassiuppai:

- BL 11-40, Mittarfinnut Greenland Airports Regional A/S-imit ingerlanneqartunut mittarfinnut maleruaqqusat pillugit aalajangersakkat, saqqummiussat sisamaat.
- BL 11-41, Mittarfinnut Greenland Airports International A/S ingerlanneqartunut mittarfinnut maleruaqqusat pillugit aalajangersakkat, saqqummiussat pingajuat

Tusarniaanermut akissutegarnissamut piffissaliussaq tassaavoq ulloq

24. september 2026

Oqaaseqaateqartoqassappat oqaaseqaatit, suliap normua 2026-315623 taallugu, aqutsisoqarfiup pingaarnertut mailadressianut info@trafikstyrelsen.dk-mut nassiunneqarnissaat Trafikstyrelsip noqqaassutigaa.

Missingiummut apeqquteqartoqassappat apeqqutit Nicoline Christine Fredensborg-imut, nicfr@trafikstyrelsen.dk-ikkut imaluunniit info@trafikstyrelsen.dk-ikkut apeqqutigineqarsinnaapput.

Siunertaq

Ilulissani mittarfiup nutaap ammarneqarnera, ullormi 29. oktober 2026-imi pisussatut pilersaarutigineqartoq, BL-it taakku marluk nutarterneqarnerannut siunertaavoq.

Mittarfiup nutaap ammarneqarneranut atatillugu, BL 11-41-mut, *Mittarfinnut Greenland Airports International A/S ingerlanneqartunut mittarfinnut maleruaqqusat pillugit*



aalajangersakkat-nut, nunap assinganik ilanngussamik nutaamik ilanngunneqarnissaa pisariaqartinneqarmat, tassami mittarfik akuersissummik piginnittumit nutaamit ingerlanneqarmat.

Mittarfiup taassuma nutaap ataatsimut atuuffissaa nunap assingata ilanngussap ersersissavaa. Mittarfeqarfik nammineq kisimi atuuffimmi ilaatinneqanngilaq, kisianni aamma sumiiffiit ilaat aamma, mittarfiup siunissami ingerlanneqarnissaanut pisariaqartinneqartut ilaatinneqarput.

Ilaatigut mittarfiup illorsuarta pisoq, usit isumagineqarnissaanut atorneqartussaq, sumiiffik massakut illorsuup sumiiffigisaata kitaaniittoq, tassani NDB-mut antennip, illuarartaatalu inissiffissaa, kiisalu Kangiata Illorsuaata akiani Tusass-ip nalunaarasuartaaseriveqarfiata eqqaani sumiiffik, tassani allanit qaffasinnerusunik VHF-mut aamma ATIS-mut antennit illuarartallit pilersinneqartussat, tassani pineqarput.

Tamatuma peqatigisaanik Ilulissani mittarfiup piusup BL 11-40-mi, *Mittarfinnut Greenland Airports Regional*-imit ingerlanneqartunut mittarfinnut *maleruaqqusat pillugit aalajangersakkat-ni*, ilanngussatut peerneqassasoq siunnersuutigineqarpoq.

Aningaasaqarnikkut allaftissornikkullu kingunissaa (inuussutissarsiornermut innuttaasunullu)

BL 11-40-imi aamma BL 11-41-imi allannguutit inuussutissarsiornermut imaluunniit innuttaasunut aningaasaqarnikkut kinguneqannginnissaat Trafikstyrelsen nalilerpaa, tassami BL-it taamaallaat mittarfinnut aamma mittarfinmi atuutissammata.

Atuutilerfissaa, tusarniaanermut akissuteqarnissamut piffissaliussaq il.il.

BL-it ulloq 29. oktober 2026 atuutilernissaat siunnersuutigineqarpoq. Ulloq taanna toqqarneqarpoq, taamaalilluni ullormi Ilulissani mittarfiup nutaap ammarfiani, aalajangersakkat atuutilissapput.

Tusarniaanermi atortut Tusarniaanermut nittartakkami (www.hoeringsportalen.dk-mi) aamma takuneqarsinnaapput, tassani aamma tusarniaanermut akissutit tamanut saqqummiunneqassapput. Tusarniaanermik akissutinik tunniussinermi, tusarniaanermut akissutip, tassani ilaalluni ateq, taamaattoqarpallu najugaq taaneqarsimasooq aamma e-mailadresse, Tusarniaanermut nittartakkami tamanut saqqummiunneqarnissaa, tusarniaavigineqartup akuersissutigissavaa. BL-imik atulersitsineq pillugu tusarniaavigineqartut Trafikstyrelsen nalinginnaasumik ilisimatitsivigisanngimmagit, maluginiarneqassaaq.

BL-it atulersinneqartut Trafikstyrelsen nittartagaani (www.trafikstyrelsen.dk-mi), Inatsisit aamma malittarisassat ataanni takuneqarsinnaapput. Nutaarsiassaagut aamma malittarisassat atuutilersinneqartut pillugit paasissutissanik aamma imaqartarput. Nutaarsiassanik pisarniarluni nalunaaruteqarneq nittartakkakut pisinnaavoq.

Inussiarnersumik inuulluaqqusillunga

Nicoline Christine Fredensborg
Fuldmægtigi



